

# GERA VETRARKLÁRT

Hjólhýsið undirbúið fyrir veturinn.



# GERA VETRARKLÁRT

Hjólhýsið undirbúið fyrir veturinn.

## Vetrarklárt

Á haustin þarf að undirbúa ferðavagninn fyrir veturinn því mikilvægt er að hann komi vel undan vetri hvort sem hann er geymdur innadyra eða úti.

Eitt það mikilvægasta er að tæma allar vatnslagnir í ferðavagninum bæði á neysluvatni og salerni. Það er gert með því að opna alla krana sem á kerfinu eru (aftöppunarkranar við aldehitarann og boilerinn eiga að vera í lóðréttri stöðu, einnig kranar við rafmagnshitara, sé hann í húsinu, en þann tappa þarf venjulega að sknúfa) og taka botntappann úr vatnstanknum, láta allt renna úr vatnstanknum en setjatappann aftur í þegar hættir að leka.

Munið líka að opna blöndurnartæki í eldhúsi og baðherbergi og láta dæluna tæmast alveg og láta hana dæla lofti örlitla stund. Hafið síðan kranana við boilerana og aldekerfið opna til að loft geti leikið um lögnina ef vagninn stendur inni. Standi vagninn úti er ráðlegt að setja tappann í vatnstankinn þegar hann hefur verið tæmdur alveg, en hafa alla aðra krana opna. Setja frostlög og láta svo allt standa opið þegar búið er að keyra frostlög í gegnum allt kerfið.

Salerni tæmt með því að láta allt renna úr vatnskassa með aftöppun eða með því að sturta niður þangað til dælan dælir bara lofti. Tæmið síðan kasettuna og skolið hana vel og látið hana svo standa tóma yfir veturinn. Setja frostþolinn rúðuvökva á og láta standa í bæði vantskassa og kasettu ef ferðavagninn er geymdur úti eða í óupphitaðrigeymslu.

Mikilvægt að láta dýnur úr rúmum og sætum standa upp á rönd í stað þess að liggja flatar til að koma í veg fyrir sagga og ólykt. Fjarlægjið einnig úr húsinu öll matvæli til að þau valdi ekki skemmdum og ólykt. Látið ísskáp og frystihólf standa opin sem og bakaraofn ef hann er til staðar. Einnig skal draga fyrir öll myrkvunartjöld til að koma í veg fyrir hitasveiflur og sporna gegnsagga.

Ef ferðavagninn á að standa úti yfir vetrartímann er mikilvægt að finna honum skjólgóðan stað til dæmis við húsvegg eða í trjárjóðri þar sem vetrarveður mæða ekki um of á honum. Setjið allar stuðningsfætur niður og látið hann hvíla vel á þeim. Metið sjálf hvort nauðsynlegt er að binda vagninn niður vegna hvassviðris. Teljið þið svo skal binda í grind eða stuðningsfætur ferðavagnsins og hæla vel niður.

# GERA VETRARKLÁRT

Hjólhýsið undirbúið fyrir veturinn.


Setjið vetrarlokur á öndunarristar kæliskápa. Athugið að það er í lagi að hafa vetrarlokur á hérlandis allt árið um kring, nema þegar heitt er í veðri þá skal fjarlægja lokurnar áður en kæliskápurinn er notaður. Gott væri líka að loka útöndun miðstöðvarinnar (stúturinn er uppi á þaki ferðavagnsins), svo ekki skafi inn um hann. Gætið þess einnig að allir gluggar, hurðar og lúgur séu vel lokuð. Ef það er gasboiler í ferðavagninum þá þarf að ganga úr skugga um að lokið á útöndun hans sé fast á sínum stað.

Standi ferðavagninn úti þarf að passa að ekki safnist mikill snjór á þakið. Þakið ber ekki ótakmarkaða þyngd þó svo að fullorðnum einstaklingi sé óhætt að ganga á því þá getur blaut snjóþekja orðið of þung. Þakið gæti svignað og jafnvel brotnað undan þunganum. Sé hætta á því þá sópiðeða mokið snjónum af þakinumyndist slíkaraðstæður.

Fjarlægja skal rafgeyminn úr ferðavagninum og til að tryggja sem lengsta nýtingu hans er æskilegt að hlaða hann með hleðslutæki annan hvern mánuð. Þegar rafgeymirinn hefur verið fjarlægður úr ferðavagninum þá er nauðsynlegt að taka sólarcelluna úr sambandi því annars getursellan haft eyðileggjandi áhrif á stjórnborðið og rafkerfið. Ef sólarcellan er ekki tekin úr sambandi mun hún reyna að hlaða inná kerfið ef birtuskylirði breytast hvort sem vagninn stendur inni í geymslu eða utandyra.

Það er afar einfalt að aftengja sólarcelluna, fyrst er lokið tekið af regulatornum og plúsinn+ er tekinn af (Regulatorinn er yfirleitt staðsettur inni í stóra fataskápnum, getur þó verið staðsettur á öðrum stað).

Sjá meðfylgjandi myndir:





# GERA VETRARKLÁRT

Hjólhýsið undirbúið fyrir veturinn.

Gas skal aftengja og fjarlægja gaskútana úr ferðavagninum því ekki þarf að útskýra fyrir neinum hvað gæti gerst ef eldur yrði laus í geymslurýminu. Plastkútarnir springa að vísu ekki en mikill eldur getur gosið upp þegar þeir bráðna.

Farið vel yfir tryggingamál athugið hvort ferðavagninn er tryggður þegar hann stendur í geymslu óháð því hvar geyma skal ferðavagninn. Mikilvægt að kynna sér tryggingaskilmála vel.

## Vetrarklárt tékklisti:

- Tæma vatnstank, skrúfið lokið af að ofan og takið tappann úr.
- Vagnar með Truma miðstöð = opna kranana við hliðina á gasboilernum (þeir eiga að vísa upp þegar þeir eru opnir) og látið vatnið renna niður.
- Vagnar með Alde kerfi = opna kranana við hliðina á Alde stöðinni (þeir eiga að vísa upp þegar þeir eru opnir) og láta vatnið renna niður.
- Ef vagninn er geymdur útipáskallokavattstankiogkrönumviðgasboilerogaldestöðogsetjasíðanneysluvatn sfrostlög á vatnstankinn, eftiraðvagninnhefurveriðvatnstæmdurogskrufafyrstfráheitavatninutilaðlatal öginnrenna í gegnumkerfið.
- Tæma vatnskassa salernis með því að tappa af, setja frostþolinn rúðuvökva bæði á vatnskassann og í kasettuna.
- Láta vatnsdæluna ganga í 30 sek, láta hana dæla lofti.
- Draga fyrir öll myrkvunartjöld (minnkar hitasveiflur og forðar sagga).
- Reisa sætispullur (loftar betur og forðar sagga).
- 
- Hafa hurð á kælikáp og frystihólfi opnar (einnig á bökunarofni ef hann er til staðar).
- Hafa skápahurðir opnar til að auðvelda loftflæði.
- Æskilegt er að láta blöndunartækin standa opin hvort sem frostlögur er notaður eða ekki.
- Aftengja gas og fjarlægja gaskúta og koma þeim á öruggan stað.
- Aftengja og fjarlægja rafgeymi og geyma á þurrum og heitum stað.
- Aftengja sólarcelluna (svo hún valdi ekki skemmdum á stjórnborði og rafkerfi).
- Setja vetrarlokur á öndunarristar fyrir kælikáp.
- Skrúfa niður og stilla vel af stuðningslappir ef geyma á vagninn utandyra.
- Munið að kanna með tryggingamál hvar svo sem geyma á vagninn.

# GERA VETRARKLÁRT

Hjólhýsið undirbúið fyrir veturinn.

Við viljum benda á að það er hægt að láta gera ferðavagninn vetrarklárán á Verkstæði Víkurverks. Sparar tíma, fyrirhöfn og öruggt að allt þetta sé fagmannlega og rétt gert. Slík þjónusta er einnig skráð í þjónustubók ferðavagnsins. Tímabókanir í síma 5577720 og á [verkstaed@vikurverk.is](mailto:verkstaed@vikurverk.is)

